



DEO OPTIMO MAXIMO UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis vigesima ~~septima~~ *Secunda*
mensis Februarii, anno Domini M. DCC. LXX.

M. JOANNE DESCEMET, Censore Regio &
Scholarum Professore, Doctore Medico, Præside.

An sui sint Morbis chronicis motus critici?

I.



ATURAM morborum medicatricem esse, & pulcherrimam
artem Medicinam in eo totam reponi, ut illam nunc lan-
guentem exstimulet, nunc frænet æstu immodico turgentem,
nunc aviam in rectum deducat iter, jam pridem in scholis
Medicis notum & omnibus decantatum. Quid enim aliud natu-
ra? Nisi æstuosus ille motus quo statim atque labes inusta
fuerit functioni cuidam, ceteræ fiant participes erroris, prof-
ternantur simul & quasi condoleant: quibus quidem ita conspirantibus amicè,
& de improvviso causâ lædens inciderit sit renixus: acutus ille quidem dum

A

natura ab instanti periculo succussa vividius, statim signa movet, omnes vires exerit, ut hostem fortiter irruentem fortius repellat, profliget, opprimat. Chronicus erit, dum è contrà vix sollicita metu, quasi respiceret hostem è longinquo, in aciem descendit ignavius, partitis, ut ita dicam, viribus, vix advocato persæpe febris auxilio. In acutis affectibus cum quatuor stadia percurrantur uno tenore, statis & determinatis temporibus exacerbationes oriuntur deservescuntque nunquam revocandâ naturæ lege, cõtionem presso pede subsequitur crisis quam citò adfuturam prænuntiat insignis quædam functionum læsio notante *Galeno* (a), hinc nullus relinquitur dubio locus, nullus error; omnia perspicua sunt: causâ morbi, naturæ renixus, hujus effectus, phænomena, solutio ex artis præceptis faciliè præfagienda. At in chronicis cum varius sit larvati morbi incessus, sæpius ille falsis deludat imaginibus, mille Medico interrogandæ sunt viæ, ipsi relegenda sunt naturæ vestigia, vix delineata, inextricabilia ferè & quæ medio in itinere evanescent plerumque. Ut igitur sentiantur quid in chronicis à naturâ possit expectari, accuratè dividendæ sunt affectiones chronicæ. Prima species est illarum quæ causam naturæ resistantem afferunt, ut omnes morbi quos ex decidentia chronicos vocamus & quasi acutis insitos; tales sunt rheumatismi, qui aliquandò inflammatorii, postea dolores important chronicos; arthritidum vagarum genera varia, abcessus diuturni in acutis inflammationibus supervenientes; febres illæ longæ & ferè cachecticæ, siue suum caracterem illis impresserit temperies homini propria, siue peculiarem à regione mutuentur indolem: ita inferioris Brabantiae febres longuas norunt omnes; sic febres intermittentes in septentrionalibus Gallie plagis fieriunt miserrimè (b). Altera chronicorum species est quæ causam habet recidivam; vel quod illa petatur ex alimentis, vel quod à vitiosa aeris diathesi contrahatur: ut sunt spasmata, Pissionibus tot recurrentes ventriculi & intestinorum dolores colici, paludum & coenotarum regionum incolis scorbutus, cachexia, hydrops. Tertia recensabitur chronicorum species quæ naturæ vires nedum extinguit, illas contrà imminuit ut sunt obstructions, infarctus qui sanguinis circuitui nocent, scirrhus procreant; quæ pessimalabes causarum supra allatarum soboles, nullum non potest vitium invhere ex iis quæ modò mentionis. Quibus si illa addideris mala quæ à vitioso nervorum tono pendunt, & quæ per se gravissima totam tandem debilitant machinam, nulla tibi supererit alia chronicorum species præter eam quæ extrâ naturæ centrum activum posita, jam sanari se renuit quasi corpori extranea.

I. I.

IN hæc tantâ malorum congerie, nihil est quod dulcibus quidem *Helmon-*
tii (c) promissorum illecebris Medicus, morbum in ipsis incunabulis opprimere tentet, agentî naturæ vinculis, ut ita dicam, injectis: frustra empyrismo cæco semper, fallaci plerumquæ sese tueri aggreditur. Consilium in melius referat. Conversis igitur studiis, si mali originem scrutetur alius, classes memoratas attentò perlustraverit animo, in morbis etiam intricatissimis chronicis quænam partes naturæ sint relinquendæ, quænam arti suscipiendæ facili negotio deprehendet. Enimverò licet causæ sub variorum accidentium formâ velut superinjectâ larvâ ament delitescere; miratur attentus obser-

(a) De crisi-
 bus lib. III.
 cap. IV.

(b) De recon-
 dictâ febrium
 intermit-
 tentium cum
 remittentium
 naturâ p. 17.

[[c) De febr-
 bus cap. XII.
 circa finem p.
 772.

pulsu immunem tueri; tunc naturam sibi relictam inspicias, præagâ mente futuri. Non aperto quidem Marte bellum indicat, cum plerumque debilior illa sit, nihilominus tamen hostem insequitur à tergo ut loquar cum *Sydenhamo*, per cuniculos furtim subrepat & morbos gentem inimicam sibi partitis certaminibus aggreditur. Enimverò periodicis narium hæmorrhagiis tabis accessum arceri (1); quam plurimos morbos chronicos accedente per vices dolore podagrico, vel erumpente hæmorrhoidum fluxu periectè judicatos fuisse & penitus sublatis innumeris confirmatur exemplis. In leucophlegmaticis pallidarum virginum morbis fallaci plerumque curationis spe deluduntur sollicitæ matres nisi natura plurimis & repetitis vicibus febris auxilium advocaverit: hinc in his casibus tot febres intermittentes. Nonne videre est graves nervorum morbos certissimis criticorum motuum legibus obtemperare. Et quidem ut alia multa taceamus, de epilepsiâ notum est quod post multos & repetitos insussum, pubertatis tempore, dum novum robur infunditur artubus discedere soleat. (m) Quid aliud offerunt hystericorum affectuum, hemicranie paroxysmi periodice recurrentes, nisi conatus naturæ crismi molientis, imperfectam quidem; cum pars oneris dematur, non onus totum tollatur. Hæc verò sublevatione alacrior ad pugnam insurgit natura. Post ubi collectum robur, receptis viribus, hostem jam debilitatum uno tandem proterit ictu. Sic plurimorum chronicorum crisis perfecta morbus acutus, uti legere est apud *Sydenhamum* (n); quod illis annis quibus febres intermittentes tyrannidem exercebant, occurreret febris continua in quâ, naturâ duce ita temperabantur omnia symptomata febrilia ut morbosa materies debitâ coctione præparata certo suo tempore disponeretur ad exitum.

Verum major adhuc nostræ thesi lux affulgebit ex febrium intermittentium decursus contemplatione. In illis enim febribus materia paroxysmum concitans intra ipsum insultum subigitur & post ipsum impetum ejicitur foras. Suae sunt incunte paroxysmo perturbationes, deservescuntiam excipit quies quam malefidam arguit pulsus ad statum naturalem nondum perfecte reductus. Latet enim intus mali fomes specificis remediis non nisi post prægressos plures paroxysmos debellandus. Et illud adeo verum est ut in principio febrium intermittentium felicem persæpè non spondeat eventum cortex peruvianus. Criticis enim motibus nondum attenuata materies, ad exitum impar, nedum medicamentis obsequiosa pacatè foras eliminari se sinat, magis ac magis exasperatur & recrudescit; non aliâ de causâ licet in longum protrahatur peruvianî corticis usus, à febris recidivæ metu non liberantur ægri, nisi materia febrilis naturæ viribus subacta fuerit. Hinc *Baglivius* (o) prudenter monet, corticem peruvianum dare nullis præcedentibus signis coctionis piaculum esse. Hinc apud *Sydenhamum* (p) qui tam accuratè naturæ incessum expressit, cavendum est ante omnia ne præmaturè nimis cortex peruvianus ingeratur antequam morbus suo se Marte protriverit.

Nec desunt tumultus critici, seu perturbationes criticæ quæ quidem hanc vel illam partem occupent ubi fertur in illas humores: sic podagra multorum morborum crisis, post febrem ephemeram à malis lentis erumpit & sanum relinquit corpus; sic sæpe horrores & rigores febrem comitabantur quæ illustrissimum *la Hire* à palpitacionibus vindicavit. (q)

Verum non semper in bonum fit crisis, affectus scilicet partibus prin-

(1) Bennet
chicorum pag.
15.

(m) Hoffmann-
us sect. 1.
cap. 15.

(n) Tom. 1.
chap. 5.

(o) Opera
Medico-
practica pag.
389.

(p) Epistolâ
in responsio-
ria p. 173
18.

(q) Lorry de
lanchoiâ
tom. 2. p. 166.

capibus: ut si humores introvertantur, quod aliquandò in scabie in lue venerea & scorbuto accidere viderunt omnes. In his rerum angustiis omni ope atque operâ entendum est ut revulsionis leges scdemur & naturæ actionem in minus utiles plagas dirigamus.

I V.

QUA ratione crises illæ viribus ita repetitis eveniant, deducere non difficile est ex observatione chronicorum indolis, actionis naturæ & analogiâ cum acutis. In his enim in quibus naturæ viribus ferocienti fræna potius iniicienda sunt quam ipsi inerti calcar addendum; cum horæ momento concurratur & repentinâ materiæ morbosæ vacuatione victrix resurgat natura; tunc opus ejus unum & operatio simplex crism totam absolvunt, vi scilicet totius circuitus & omnium organorum renixu. In chronicis verò mutatâ scenâ diversa prorsus nascuntur phænomena. In his enim naturam imbellem & otiosam arguunt, tum illorum causæ, cum plerique originem ducant ad oppositâ ad coquendos humores, sic distante S. (r); tum terminatio per abscessus. Causa quidem abscessum efficiens, ut recte animadvertit celeberrimus *Glass*, videtur esse materia subacta quodammodo, sed non adeò diligenter ut naturales vias, intestina, renes, cutim subire possit, atque sanguinis motus imbecillior quam ut arterias disrumpere queat. Non mirum igitur cur natura repetitis viribus laceffat hostem quem statim opprimere non posset. Illud præsertim accidit si partialis operatio dignitati morbi non sit consona. Hinc dum chronicus morbus movetur per abscessum, in id intendi debet artis auxilium ut ad exteriora sollicitetur morbosa materies, ne recurrat ad interiora pessimis semper ægrotantium rebus. De quò videantur ante alios *Glass*, *Freind*, in commentariis de abscessibus ad mentem Hippocratis. Enimverò repetenda est actio & eo magis repetenda quo debilior illa fuerit. Sic in vomitis expulso, si totalis non fuerit ob imbecillitatem corporis, novas febres, tussis novas accendit. Succedit sic crisydelati diarrhæa, remanet erisypelas levius aut naturâ faciendam aut arte provocandam expectans diarrhæam, idem esto judicium de eâ quæ sordiditatem tollit. Hæreat in vesicâ biliari calculus, en adsunt vomitus qui progressum illius promoveant. Sæpè verò per plurimorum mensum intervallum recurunt priusquàm hostis foras prodeat, naturâ monstrante viam. Quæ quidem actio ita aliquandò evidens est ut etiam ars licet imitatrix naturæ timida & verecunda possit ipsi morem gerere, eam suscitare & ad crism impellere; sic quoties latens arthritis gulam hominis occupat & ipsam angit faucibus elisis; toties sinapismis, vesicantibus crises non unâ vice, sed repetitis vicibus licet procreare: sic etiam in febris illis malignis & halitu pestilentiali feralibus, post multa inutilia molimina, critica quidem illa sed pauca, si naturam occupasse toto morbi tempore non contigerit, adest parotis vel bubo; ne verò naturæ sæpius delusæ confidamus, monuit repercussâ crism cohort: tunc igitur caustico potenti ipsam invadimus, & quasi principia morbi in parte fixiora reddimus ne spes qualicumque crism avolet, quod accidit hæsitantibus.

Verum non eò fiduciæ devenimus ut in omnibus casibus motus criticos expectandos esse suadeamus. Illos tantum criticis motibus parere morbos qui

(r) Traçattu
de podagta P.
316

naturæ subjiuntur actioni planum est ; destructâ semel organisatione per indurationem aut quod pejus adhuc per corruptelam spem omnem etiam destrui necessarium est. Quam falsis igitur deliniuntur illecebris qui caneros ulcerosos, qui scirrhos perfectos sanari posse confidunt. Nec melioribus fati frui conceditur in omnibus morbis qui, etsi pateant actioni naturæ, eam tamen gradu superant & non nisi visceris cuiusdam principis destructione finem habere possunt ; cum in ipso vitæ fonte naturæ vires opprimuntur. Sic in phthisi pulmonari instantem mortem præfagire licet nunquam certius, quam dum febris ope natura materiæ purulentæ molitur exitum, uberiori exortâ sputorum excreatione ; si præsertim addat se comitem diarrhæa colliquativa. Tunc enim asseri potest tardam prius lethi necessitatem gradum corripuisse.

V.

NON est quoddam ad infirmendam nostram thesim hinc & inde corradantur raræ morborum chronicorum species quæ motuum criticorum vim eludant evidentissimè. Nihilominus inconcussa manet propositionis nostræ veritas. Quid enim adversus regulam generalem valet exceptio una aut altera. Et certè quemadmodum lex iniqua sanciri videretur si naturæ terentis suppetias vis & actio denegarentur in acutis, cum in illorum quibusdam contingat ut ingrati & irriti sint ipsius conatus : ita & in ipso veritatis jubare cæcutire vellet qui contenderet chronicis in affectibus varium esse semper & mutabile naturæ dominium, ex eo quod inter chronicos quidam nullis legibus regi se patiantur. Nequicquam igitur objicient plurimi Quid opus est insudare in deregendis motibus criticis in chronico morbo, cum in acutis in quibus vestigia naturæ recentia minime tallunt *non certæ sunt prædictiones neque mortis neque sanitatis si fides sit Hippocrati*. Nihil est unde commoveamur divi senis autoritate cum in malas partes detorqueatur, hoc enim in acutis monuit *Hippocrates*, non ut crisis fides denegaretur, ne verò levioris ingenii Medici nimis properantèr & temerè prælagiant futura. Aliundè in chronicis morbis motuum criticorum observatio sedula maxime conducit, imo necessaria est, ut Medicus naturæ semper obsequiosus ipsi morem gerat, ne per vias minimè expeditas artis importuno molimine tentet educere noxium humorem, qui quidè à naturâ doctus iter melius, nullo concitato tumultu, motu quasi proprio per convenientia loca potuisset eliminari ; ut enim præcepit *Hippocrates* : *quidquid in contrarium vergit, criticum esse non potest*.

At iniqui in morbis qui pendent à vitiato nervorum tono, quos ex absentia materiæ peccantis intemperiem sine materiâ vocabant veteres ; nullam certè coctionem sibi promittere potest Medicus ; nihil est unde manus auxiliatrices ipsi porrigere valeat natura, motus criticos excitando : cum omnium Medicorum consensu, coctio nihil aliud sit quam materiæ morbosæ subactio sive maturatio *πρωτερος* : crisis verò renixus virium quibus in unum conspirantibus, materia mobilis & ad exitum parata foràs eliminatur in melius converti nescia. Ne minimum quidem scrupulum nobis injicere potest illud argumentum, licet primâ fronte inextricabilem difficultatem movere videatur. Admotâ rationis & experientie face facillimè dispergitur prætensa nubes. Enimverò crisis nomine intelligitur mutatio quædam vel ad ægrotantis sibi

nitatem vel ad exitum facta, sive degeneres humores amicam œconomiae animali amiserint indolem, sive solidis tantum labes fuerit inusta; hinc febris instrumentum naturae non tantum ad id inservit, ut subactio materiae morbosae evadat perfecta: sæpè etiam motum vehementiorem & citatiorem inducendo convulsivos & abnormes solidorum motus compescere visa fuit; ut concludere primum est ex illo coacarum prænotionum effato. (f) *Convulsionem solvit febris acuta superveniens quæ prius non fuit, si verò fuit prius jam exacerbata. Sic legere est in optimo de melancholiâ tractatu (e) in gravi morbo febrem acutam, concitante melancholia conticescit, simul enim stare non possunt irregularis melancholicarum fibrarum vibratio & regularis febrium acutarum erechthismus.*

His omnibus æquâ lance ponderatis, cum aliundè ni mens læva fuerit, enodantur difficultates quæ moveri poterant adversus nostram thesım concludere fas est.

(f) Coac.
prænot. N^o.
358 Charact.
rom. VIII p.
871.
(e) Tom. I.
pag. 129.

Ergo sui sunt morbis chronicis motus critici.

DOMINI DOCTORES DISPUTATURI.

M. Ludovicus-Claudius GUILBERT, antiquus Regis exercituum Medicus ordinarius.

M. Josephus-Jacobus GARDANE, Censor Regius & Regiæ scientiarum societatis Monjpellienſis socius.

M. Ludovicus PATHIOT.

M. Edmundus - Claudius BOURRU.

M. Joannes-stanislaus MITTIE, Regiæ scientiarum & litterarum Nancei Academiæ socius nec-non stanislai I. Poloniarum Regis dum viveret, Medicus ordinarius.

M. Franciscus BIDAWLT.

M. Joannes-Antonius ELIX DE LA POTERIE.

M. Philippus QUERENET.

M. Joannes-Claudius MURNIER, Consiliarius Medicus Regis ordinarius & Domus Regiæ invalidorum.

Proponerebat Parisiis, CAROLUS-JACOBUS-LUDOVICUS COQUEREAU DE NANCÉ, Parisinus, saluberrimæ Facultatis Medicinæ Baccalaureus, Theſeos Autor. A. R. S. H. 1770.

Ex Typis QUILLAV, Univerſit. & Facultat. Med. Typograph.